

ac denotet, non vaticinia Prophetarum V. T. de morte & passione Christi, sed Dei ipsius, Patris, Rom. VIII, 32, Filii & Spiritus Sancti, Gal. II, 20, consilium decretumque æternum de morte & passione Christi, in temporis plenitudine ab hoc subeunda. Matth. vero Cap. XXVI, 24, collato cum Luc. XXII, 22, non ostendit, τὸ ὠρισμένον explicandum esse, per τὸ γεγραμμένον, perinde, ac si hæc duo sint ἰσοδυναμῆντα vocabula, sed ut nos, idem illud, quod est ὠρισμένον, h. e. ab æterno a Deo de morte crucis Christi definitum ac constitutum, cogitemus, esse etiam γεγραμμένον, h. e., a Mose & Prophetis in literas relatum nobisque reuelatum. Sed hæc controuersia critico-philologica magis esse, quam theologica, videtur, quare nunc pergendum est ad alia.

§. III.

Sunt vero iterum, qui ex eo, quod Christus, h. l. dicitur ἔκδοτος τῆ ὠρισμένη βουλῆ καὶ προγνώσει τῆ Θεῶ, non esse negandam prædestinationem ipsius Seruatoris nostri, colligunt. Nunc enim τὴν ὠρισμένην βουλὴν, nunc πρόγνωσιν τῆ Θεῶ, per prædestinationem Christi, exponunt. BELLARMINVS, Lib. II. de V. D., c. XIV, Resp. ad III. loc., Vulgatum interpretem, vocem ὁρισθέντος, Rom. I, 4, bene translulisse, per prædestinatum, ex nostro conatur demonstrare oraculo, quippe in quo vocabulum ὠρισμένη ita similiter vertatur, contra quem recte observat HVNNIVS, T. II. Opp., p. 273, verba textus nostri τῆ ὠρισμένη βουλῆ prorsus incongrue transferri, per prædestinatum consilium, hanc addens causam, quod consilium illud Dei, cuius Lucas meminit, fuerit ab æterno, & potius illud, quod prædestinat, quam quod prædestinatur. Contra DIONYSIVM PETAVIVM, in T. VI Dogmat. Theol., de Incarnat Lib. XI c. XIII, §. 3, vulgatum interpretem acerrime, cum BELLARMINO, defendentem, conferri potest, JOH. FRANC. BVDDEVS, d. l. ESTIVS in hunc locum, usque adeo etiam πρόγνωσιν τῆ Θεῶ, per prædestinationem exponit, eandemque huius vocabuli significationem ex I. Petr. I, 20, confirmare intendit, in quo inest, & vocabuli προγνώσεως interpretatio prorsus aliena, & mira προγνώσεως καὶ προορισμῶ confusio. Lucas enim in nostro oracu-

oracu-